

藏密齋集卷之二十三

嘉善魏大中孔時著

書牘

十

與劉念臺

先生歸休樂乎夏秋多故凌雨震風如不終夕  
知先生北睇而愀然也莽伏者謂泰必否謂剝  
先姤自命爲得陰之先素冒正人者亦閱世變  
而以前塗之爵富自寶悉力爲若輩效其區區  
冢宰總憲得世魁人而揆地單寒撐拄微歎圖

不次以登先生而仰體先生之高者仍以舊秩  
益冀先生之間命而幡然也日下圖以馮少老  
位司空俞少老掌南銓曹真老總南憲不識可  
盡遂否而嚴寒、臍發培元在貞一氣醞釀布護  
猶隆隆也先生幸蚤命駕矣照會暨冢宰書附  
上照會書名例也不以大賢故貶例併致

甲子

九月十五日

與顏長康

洙兒病耶病時量省其誦讀之勞債其意思活

動處引入于理趣不知不覺專游衍于此道而無他嗜好以奪之爲妙若以其病故并講貫全疎則意思活動時走入俗嗜異日于理趣并格而永不相入矣所仗提誨全在此時真切真切甲子九月十五日

答錢龍門。

謝玄中甚憎張鍾山而欽服門下之治郡舌橋而不能下邇之彈司農者方以苛罰不中爲詞瑄輩睚護之亦謂以此任怨則門下又何虞矣

杜梅梁戢亂于未著功自灼然別議自不相累  
目前恐未得便出以予告方新也辱遠念以明  
哲提其耳甚感甚感顧不達觀于事前至禹鑊  
刀鋸之及而欲爲冥鴻則已晚計典見屬又時  
日已迫不能遂其拂衣之圖怨于此益多矣緬  
念東籬不勝伊鬱

甲子九月十五日

付伊兒

九月十五日矣尚未見浙錄也濂兒何由復就  
錄遺之試若入棘何以塞白耶洙兒多病奈何

水蓄幸微改折之 昔乃戶垣復疏爭之議未  
定他無可言者王僕從領是以慰家人也 甲子

九月十五日

答杜梅梁

茗上妄人爲亂亂且作矣老公祖乘其且亂未  
亂而咄嗟定之功在一方甚鉅雉城之變更何  
與老公祖事人所共白也浮雲偶蔽老公祖不  
自解卽以不解解之而已世有解者自能爲老  
公祖解也抑之爾先娓娓爲老公祖者甚詳弟

獨無舌乎尊貺不敢當附壁併謝

甲子九月二十日

答卓去病

吾兒豚犬耳不能副雅念也李令君聲望翹然但南卿不必迴避之說未有確證邇何吉水之陸禮曹亦無人不知其爲避何芝嶽故似亦不必借人齒牙也若忌者以爲有所垂涎夫固有先之者第計事近王銓者且當一切停陞耳

甲子九月二十日

答李祥符

知門下不以去病以去病愈以知門下也于靈  
之氣有目具瞻以計典慮耶冗病不詳諸惟鑒  
在 甲子九月二十日

與卓去病

祥符風氣道上聲聞赫然例當迴避卽平平迴  
避爲善前致恐以迴避生疑弟謂此無庸疑何  
吉水亦以避何芝嶽陞矣先之者先祥符而迴  
避也非謂又有所先也江北銓部未嘗缺人此  
缺亦其同鄉爲政自不倉狗世態浮雲凡事在

明日者不能于今日言之今日第能言焉之領

注者而已矣

甲子九月廿三日

### 與夏繩北

口者未得奉復計與有道者商榷事理至當以庶幾翁丈之可留而李掌科和盤托出矣可無悶悶昧昧莫知所以之慮然事亦微礙于過明

否也

甲子九月廿五日

### 與葉

戊午丈以俊例入國子錄科之試屬其王者無



前已又得讀丈闡中之牘心式之嘗及令弟一  
再徃返談次種種欽其具正識正骨也令祖當  
國不肖不敢以數數去國時以病故不得一謁  
慙焉至今過庭時希一道其區區昨者辱顧適  
冗不可撥聞又卽刻就道矣不及造謝罪罪

答岳石帆

不肖率其本懷以游世斯何世也而可率其本  
懷以游耶其見詎病固當重勤遠念益自慚愧  
迺于鋒萬鎗中時時照管若恐失其本懷者時

未始不啞然自笑其愚也自有宇宙以來魁人  
傑士不必盡是貴官貴矣不必近翁臺今之魁  
且傑焉者也而慮人有輕南之指歟于官不必  
貴近于世不必不詭病而本色始顯竊願以相  
證也何如何如

甲子九月廿八日

### 與楊顯宇

敝邑阨于水畜其僉北白來者日夕漣漣念其  
家之爲魚鱉也若守凍于此其憂慘有不可言  
者懇年臺如崑山例借漕剝提運則敝邑之父

老子弟載德不朽

甲子九月廿八日

與陸筠脩

許久不聞問然念叔度不置藉以消鄙吝也敝  
邑北白解戶恐爲守凍所苦欲徼惠磚船以速  
其運臺下惻焉振之感荷不淺

甲子九月廿八日

答蔡正菴

抑之時稱台丈才邁又損書言台丈思出守一  
郡自見也長安中聞又欲以文衡重台丈吾淵  
亦仕國也而卿座寥寥不勝晨星之感幸滇黔

遼蜀皆以武功見凡同較閩立菴較齊玄受較  
晉青峒則又較齊鱗次而登者爲筠脩爲楚石  
爲希憲又屈指有台丈果各如其所願吾淵文  
教又覃敷于四海矣其以張淵也

甲子九月三十日

答魏元白

山東按院

東省之變弟意以爲止宜以官法治之不當用  
兵嚴行保甲之法真賊自得得真賊卽重典不  
至玉石俱焚也而事在千里之外倥偬不可知  
不敢妄與其議近聞曹郭二守令與年兄同指

徐道在兩姑之間撫臺參李弁年尤則又參黑  
弁等將若何諸兄弟委曲在道府揭未發抄之  
前于李弁處窺見形迹幾微耳非謂有所倚也  
今年尤亦只料理地方當如何如何而已莫與  
絲毫意思于其間按君專主勘覈事後是者是  
之非者非之亦不着絲毫意思吾真如太空也  
徐君絕不聞問當竟便一致台憲地方官評幸  
早賜教其不能盡用之露章者更祈列款密示  
有聞卽示懇懇

甲子九月三十日

又

艸復未發而總漕之報至蕭沛至聚衆攻城二  
岐兩伏實爲窟穴在省直之交與運道近亦不  
得一切易視之但不宜以殺爲道耳

甲子九月  
三十日

答錢昭自

人無合朝野南北冷煖智愚之算以攻一人而  
此人可以幾幸者益今日而語默動靜總成罪  
案載鬼張弧合沙射影身不足惜常累賢者又  
時情之不可測也恒如其面而未熟而倏又去

之卽心所愛慕轉如車輪而可以輕陞乎有一  
熱缺卽有十數熱人營之卽有數十熱人爲之  
代營之代營之而不得者輒歸怨于弟以消其  
書帕甚者唆侈萋斐而毒無所不中焉近者信  
信于諸推疑其中必有所繇來出弟意也幸弟  
生平持議但與王者論才論品而不在臨岐與  
人奪官故播毒于賢者不廣且其中有實實非  
弟所許者故王者于弟無恐不與人奪官于弟  
更無礙也兄能知弟之苦乎實未嘗出自弟口

者疑以爲弟實嘗出之于口而不以爲案乎愈  
愛其人者愈秘之而不敢吐所謂身不足惜恐  
其累賢者也我兄有李懋老左浮老在弟力猶  
易機緣可湊弟不敢自愛得聞關外事幸幸

又

時事日非弟歸無日得歸亦是背驢風色耳恐  
不能乘畫鶴也片帆二恙高掛秋風此倖可徵  
行圖再假萬勿我斬辱訊懸絲之命生機死法  
總不可知然什九是死也元方心在世中身在



事外綽綽餘裕慕其超然以弟之知兄臺急足  
臺而不能一爲援手而譟弟者以爲與于銓政  
世卽不知兄臺能知人言之誣也

甲子十月初  
二日

答徐泰掖楊夢蒼蒼公書

南科

索居眇聞賴天南採訪之使四出拯我于涸轍  
而反辱垂問耶課吏專以爲百姓迺百姓無私  
怨惡之口胡繇達于吾耳乎弟意欲真欲廣非  
廣不敢遂以爲真承教當偕同事諸兄弟僉謀  
以報不敢異亦不敢後先此敬復

甲子十月初  
三日

答徐泰掖

弟如十方頭陀行脚小歇未免尚撞鐘于此計  
事得隨諸兄弟之後無私愛憎無私毀譽一以  
公弟聞見甚狹所恃諸兄弟有同心也採訪所  
得亦祈秘示弟嘗郵又幾許矣謠詠之口如何  
有聞幸密切相教用以自省也

甲子十月初三日

答黃闇齋

徑讀尊札便作小東奉酬而使乎月餘不至念  
之爲勞再接手教如承面命析微圖以暇卒業

知年况于天理人情觀其會通也徵叙于弟不  
虞尾續爲嫌乎 甲子十月初三日

答劉心統

山西按院

朝端多故遠念爲勞吾輩只是良心公道千古  
顛撲不破所指非長治乎恐着不得鄉情也入  
境與大計想仍分兩事爲安在令爲誰耶大吏  
暨有司中間大賢大不肖望一一秘示弟亦不  
敢不秘 甲子十月初三日

與鹿乾嶽

制勝之要在將將之要在知彼已而得志心而  
後士可練而後不得已而可戰也江將軍何狀  
可將者更有幾人危地寒天勞苦相公於此羣  
策羣力所效若何於老兄無齟齬否老兄樂此  
不疲似有好消息也老兄淨氛禳於封疆之上  
弟不得淨氛禳於廟堂之上奉使而出殊負所  
懷後晤未期仗老兄千里折衝滅仇雪耻歸而  
告廟弟得爲太平之民幸也

甲子十月初四日

高景翁

貴衙門陞轉之議曾定否目前閩陞屬何人抑  
遂已之乎舊規必三三差滿始陞卽兩差半必補  
則明歲尚無可陞者也法本畫一勢在參差何  
以通其窮集衆思審變局酌一疏以定人情何  
何 甲子十月初五日

答姜素臣。

不肖不勝惕號以求小補于世徒爲世詬詈耳  
亦何補矣朔風淒緊隣柯落葉飄墮庭砌蕭蕭  
作淅瀝聲正復可念長翰雲委空谷登然何以

得此于台臺也台臺道位兩高身名同泰下憫  
其愚猶可鞭策否

甲子十月初六日

答賀立菴

知台臺有歸喪之戚向議停陞時卽向王者言  
學道與諸方面微不同科歲兩周自不得與職  
專課吏者同滯故台臺得以品俸首擢時繩北  
決意以蘇松借台臺已而福閩爲舊人之請告  
緩也于請不如意者幾如劉幾之譴歐陽今入  
穀者如何矣所教憑限未奉尊指時先已發抄

奈何承鼎貺計台臺餐錢無幾不敢復以珠桂  
塵念藉手附壁篤誼中心載之徐肩老何以治  
沂度處兩姑之間甚難魏元老近有數行見寄  
殊不樂不知肩老意思所在第小爲寬解未必  
中肯綮也便中希爲不肖一致此意

甲子十月  
初七日

答沈泰垣。

鄉邦德望獨翁臺巋然靈光而塵以畱工借也  
大教以工作煩窟穴多爲慮窟穴卽在工作中  
工作不煩自無所容其窟穴矣徃廁工垣晤工

曹監督往往好言節省工作興而與之節省不  
如其不興而併無節省之可言也其不容已者  
不妨實用其財于工吾今希節省之名而致速  
朽後將復興其費乃更倍也畱工非久借翁臺  
者辱教之及姑就工言工耳

甲子十月初八日

### 上高景翁

數年來不肖爲蓮勺諸老維音哢哢者幾斛而  
今日以馬荆陽相疑耶馬以愛妾餽人得督楚  
學不可作人不可作官矣君子道消則營他人



以起官君子適長又藉蓮勺卓異之薦以陞官  
以保留書帕滿長安道上不肖條陳正爲蓮老  
解嘲謂薦者自薦其知府非薦其繇知府而督  
學與蓮老正自不相及耳何倒疑耶然潰人之  
大閑矣而錄其小才亦失之過厚頃盛陽翁亦  
有數行見及望老師卽爲不肖開釋數語似葉  
之身亟欲一見蓮翁風采幸勸之早命駕也

答余



台臺在遠而抱淡處于日月之際謂君子不當

與之貳而當潛而消之夫人顧所處如何有不  
能不與之貳焉者周公之于管蔡是也狄梁公  
不與之貳而收反正之功然古來之能爲梁公  
者幾人矣曼曼焉而冀國是之小明言官貴也  
台臺具如此淡心如此妙用而當事者未嘗具  
眼間一及之或以鄉人致疑不知往日者台臺  
之貳其鄉人也台臺念去病良攀當致尊敬然  
遇合何常矣

甲子十月初八日

與李



敬啓敝邑阨于天菑化爲水國白糧諸解日夕  
漣漣念其家之化爲魚鱉也不勝了事南歸之  
望望臺下閔其寒迫敕諸有事于閘壩者速爲  
僦運敝邑之父老不朽

甲子十月初八日

答鮑



玉泉之會會文也而別有會于文字之外自入  
世網弟無所不被詆厲臺下亦不能無怨于士  
紳也所以取詆取怨者亦有會心焉而無悔者  
乎古有至人又何以入鳥不亂行人獸不亂羣

也然則千古合契處止于行一不義半邊差肖耳臺下淡于易藏密應神必有得其解者弟蓋未嘗卒業也囊俸見貽君乃不知故人耶敬附璧不旣

甲子十月初十日

答武揚紆

登萊撫院

毛將軍越在海外廟堂之上以爲是虛機也邇且索餉如火則實費如沃焦釜而不知其實事實功奚如也屬國之封椎夷之俘識者不之聽也而勉聽之獨覩其實事實功之百一不欲窒

吾虛機而賈實旤焉耳二之則見謂撓成順之  
則顏爲塘報前車其鑒矣憂國者重台臺于東  
土虛虛實實之間必有得其妙者操虛機以程  
實事而收實功拭目俟之也

甲子十月初十日

與李崧毓

大司農

江南改折之議昨奉尊指欲就中酌折其半喜  
爲加額如此猶救得江南一半也天目諸山之  
水從西南建甌而下至東北入海嘉善在杭嘉  
湖三郡之東北隅北隣吳江東接青浦緣入海

諸江淤淺不通故西南之水下注東北之水逆行三邑遂滙爲巨浸乞將嘉善與吳青二縣一體全折幸甚幸甚遼米業已奉教不敢再贅

子十月十一日

### 與丁長孺

屢辱惠書未遑奉答乃台教所及苟綿力可效者獲不如尊指矣元旦之變咄嗟定之小不戢能按堵至今日耶台駕以何日北發跂望殊殷彼已之子度今而後之必可以徂志也日與此

中作緣日伺此中之隙因而與此以作敵乃此  
中實不無異意亦以爲今而後其勞必將在彼  
而陰奉之卽向稱皎皎者或不無鞅鞅于官得  
官矣或不無鞅鞅于不得惟其意之所左右之  
而陰自貳蓋披閱仕籍似乎千載一時而兢兢  
者寔繫內外交構以圖一網直須時耳其患實  
亟台駕入都定于人心中有翻點化也望之  
望之象宰書附上

甲子十月十二日

答孫



譁之起不知其所自而流入于當事者之耳因  
而有言者之口時台駕正蒞禾輿不肖卽非人  
獨不念其鄉黨子姓隆寒就試而不底厥事哉  
譁者乃反以中不肖糞流入于老公祖之耳也  
蓋人之無良如斯矣已老公祖行後寒家子姓  
之在諸生者移書誦老公祖之明勢家不敢干  
以私愼不得一受繩墨以爲命之窮當事偶顧  
不肖出家書相示亦遂默默而不自得也乃不  
肖以被譴行當事者恐亦不可久然而老公祖



之事已久自矣

甲子十月十二日

答趙存狹

南水部

故人知君君不知故人耶弟蒙譴去矣年凡此  
法所以自處處人者恐兩未盡也

甲子十月十三日

答方方石

每承渥諭修答未遑蒙譴去國攸然而逝矣年

兄致太平弟為太平之民幸幸

甲子十月十二日

答方荻未

計于目下覆題啓事矣而難作弟攸然而逝矣

恐翩翩而逝者不獨弟也

甲子十月十三日

答霍韻循

陝西學院

年兄慮闈既之日淡若弟之被既猶其淺也既在教闈使既天下者既固不盡在闈匆匆報謝不盡欲吐

甲子十月十三日

寄沈炎洲

驚風驟雨如此其怪耶弟分應爾何以盡正人而一空之天歟人歟總莫可問乃江右一御史以巡方出搖曳江干遇酒卽止過弟舟迫而相

見喜不自禁微以此舉復出自內稍爲歟歟又  
急叩山陝諸公消息何如微窺其意以三四夙  
擅正人之聲欲襲其地而反其故謀之不臧亦  
已久矣蓋就地論人之誤一至于此弟已矣年  
兄靜觀之人須爲天下士耳從一鄉一國起見  
者見不廣所就亦不光夫不就每人每事之是  
非平衡之而第執其方此必不可以均天下國  
家天愛年兄假以閒日需年兄以異日也弟子  
世已矣阻舟京口荷楊丹徒相聞附此此後相

聞已不可知也

甲子十月十五日

答孫若英

家報領到銅鑪微物亦寒時所須何必以見返  
耶歸日尚可附險壇咏黃葉未爲寂莫也不盡

甲子十月十六日

與李次見

圖以策蹇南矣白安惠我遂僱輿人再奉大惠  
資斧充然利有攸徃也怒目而視年尤者有人  
矣百惟慎重白安欲戒諸兄弟封事中勿以弟

名屬文起諸公後是愛弟最篤語不盡

甲子十

月十七日

### 與黃白安

圖策蹇而南矣惠及遂僱輿夫八人駘弟得輿  
之安感幸感幸世變如翻輪然君子道遠其常知  
年兄選言而定世變也繡旋容候于鴛湖之滸

甲子十月十七日

### 與孫意白

辱愛不淺第有感刺降補例如何微聞熙宇以

陳道長意言弟當補乃文起諸公何以迄今未  
補也或補或否或赴或否看時人意思與道理  
格例如何可于雙南兄處一相聞不盡

甲子十

月十七日

### 與金雙南

弟行矣年兄愛弟無置弟齒牙間恐無益于弟  
徒以爲年兄累然有聞冀于便中一示之儻西  
谿艸制相賦弟得請是六月六日可卽以是月  
填詞頭也

甲子十月十七日

與左浮丘

雖衆正相與而領意時窒是不肖所短雖羣陰  
希濩而熱心冷用貞下起元是台臺所長今亦  
有淡心正識隱于長安而世不指目者乎聞有  
變用其師生之局以麟武之去爲西谿罪者雖  
無稽之言然不可以不備

甲子十月十七日

上高老師

鉅公當軸非獨小人不利卽號爲君子者亦微  
有不利焉何也其利心未盡也天下無合君子

小人交不利于吾黨而得安位而行志者小人  
無論已君子亦未必不幸小人之毆吾黨因以  
毆吾黨甚小人之罪而彼仍執其牛耳也是都  
不可聞吾第問其爲之在我者當如何耳聞貪  
夫慟向闖人闖人許之曰爲爾除疾行跡隱都  
下不還薊也幸備之 甲子十月十七日

上趙冢宰

計不復以隻字入彰義門矣念逐臣被譴以歸  
歸而得攜雄篇勒諸石使得藉手上先人之丘



權也茲德何敢忘役旋致謝用銘不朽

甲子十一月

月十七日

### 與繆西谿

怪事日新目前知更關淡念然弟藉寵以上先人之丘壠者殊亟幸以數日硬腸却聽爲弟了此先德備志狀諸篇中先慈力貧良憊而能聽先人之倒囁而施且更有杰識眇鑒焉前者乞言數行皆核語也山荆椎布操作家難此有高士風獨逐臣不堪被溫綸然得請在六月六日

爾時威不測恩亦不測正可追念也脫稿希便  
賦雙南凡處盼之

甲子十月十七日

答樊鐘陽

兩淮鹽院

策蹇買舟而南不敢以一餐一力費郵人與妨  
地主起居不謂此中倏爾相聞也弟以多尤荷  
薄譴迺後來翩翩而出國門者所傷滋多矣大  
阿之落權璫豈權璫爲之蓋外之人教之又冇  
合中外而居其會者在揆地故遂至于此年兄  
好爲之此時未可急也久不見邸報含白次見

諸年兄得安其位否淡山密林于弟原有宿盟  
獨恃年兄合同志致太平弟爲太平之民甚幸  
耳台旣不當例辭恐形迹異同爲嫌年兄愛我  
必能亮我也

甲子十一月十四日

與楊丹徒

名金通

策蹇買舟而南不敢以一餐一力費郵人且煩  
地主起居辱顧遂不敢倒屣相迓數行附炎洲  
幸於便中致之久不見即報近狀如何世能容  
芸閣否也李愚公骨力肝膽卓絕一世吾丈入

都定以銓席借重幸出大力左右之恐不無以  
鄉人之居間少之者無爲此說所中也愚公于  
不肖未嘗識面通姓名而心傾其人故爲台丈  
告之江右則王三重不肖亦未嘗識面通姓名  
而心傾之者亦如愚公併及

甲子十一月十五日

### 答沈湛源

二十五年前挹高風于敬菴先生座上嗣是奉  
教于諸君子現行益日有聞冀當吾世一當先  
生腔血幾碧天且墜翁丈遂無意歟不肖隱矣

五百里內賢人聚一筭何杭未敢自外也遽使  
枉存何以得此于長者感哉感哉管抄拜而卒  
業焉餘珍弗敢承敬謝春風駘蕩顛候楚然之

音

甲子十一月十八日

答周綿貞

應天樞院

去時賢如卷秋籜幸台臺去日月近離風波遠  
四極固猶有鰲足也策蹇買舟而南不敢以一  
餐一力煩郵人亦不敢以晤一客雖台臺之愛  
豈得進謁歟尊貺亦不敢登自謂逐臣之分應

爾也千古爲期行矣謝謝

甲子十一月二十日

寄繆西谿

久沐教思弟所傾瀝亦如自心自商不作兩人  
對語也脫樊而出飛舞不自禁辱攜精饌過慰  
兼廣弟識所未逮感渥何如制艸想賦去矣晤  
受之如城兩兄意不必循閣閣之例知必相聞  
也近見追奪之政弟乃益不勝沾沾何日慰我  
次見得安位而行志乎懸懸

甲子十一月廿六日

寄金雙南

風沙靈日策馬相將不能別者一時不能磨者  
千古矣人情不以弟相累否世道于不知不覺  
中亦尚做得一二分否制州儻未賦來煩一相  
促艸就不必呈閣也啟門生夏季脩計偕附此  
此外無一字一字附西谿若制艸業已見賦雷  
篋中可耳

甲子十一月廿六日

### 答徐一我

蒙譴去國正如出籠之鳥縱壑之魚不復念離  
索也年兄乃悽焉有離人之感耶感感爾時脚

費甚廉蹇價已具不敢復煩尊惠然篤誼心銘  
之矣

甲子十一月二十七日

答嚴

吳門舟次飽德良深久不聞問念之爲怒弟不  
量力之不勝任而日冀賢者之無不登朝而日  
冀百姓之無不疆野而且屢以抑兢人之進而  
且屢以觸兇人之鋒世皆欲殺揣分應爾遠塵  
至念深以爲媿作惠不能拜嘉恐以異同生尤

也謝謝

甲子十一月廿八日



與下子厚。

兄當自東林歸矣弟病不能來晤也天心之會亦以病故未能赴高先生所兄爲弟叩今冬以何時在宅弟當買棹去也

答陳則梁

某境遇不堪如此奈何奈何不肖境遇亦復不堪自非真意思人不便說話種種可爲罪案也凡有干于不肖者一槩不聽今日亦遂難向人開口阮藉之哭窮途有由來矣嘗作急字聞之

某走一人于京師亦便走動不肖無人卽有人  
亦蠢甚不諧事也

甲子十一月廿九日

### 與曹漢升

令任稔漢升貧廼亦微聞漢升所以處貧之道  
似未能釋然旣相對安得遂望相周也米五斗  
奉爲朝夕之需愧不能多也

甲子十二月初四日

### 與顧平湖

昨聞有貴座師之便欲附一札旣而思之恐彼  
者未必入陝則不肖業自矢不通都門書問也

甲子十二月初六日

答解石帆。

弟罪戾弘多僅膺薄譴策蹇買舟而南不敢以  
一餐一力煩郵人并晤一客抵舍矢作乾菴不  
敢以姓名再落人間遠荷台眷損書相存何脩  
得此道况日佳且聞還朝之期擬在春孟私衷  
不勝欣躍日月之際匡扶有人一丘一壑寐寤  
寬然矣匆匆不能詳亦何敢詳也

甲子十二月  
十一日

答詹仲南。嘉興守

弟積戾孔多蒙譴猶薄其令歸與父母子弟沐浴于春風化日中則主恩更浚矣抵舍卽圖造謁并申豚兒重荷獎拔之謝而襲寒未蘇不可以風用是怒焉未伸治民之誼不謂隆貺綢繆重以先施三薰三沐以比于人也

甲子十二月十四日

答王司理名繼廉

弟不自量其孱之不勝任汲汲焉欲于世道民生小有裨補而憂憂乎其難之尤悔日叢罪譴猶怒乃翩翩去國幾于摘瓜如殄瘁何矣歸舟

與遠初相值遠初索晤弟以途中謝客併謝之  
得無見訝歟不謂併失年兄也馮少墟嘗云清  
任和是子與立三條在子以撐持千古宇宙世  
間萬事二字少一字不得不僅僅爲三聖標名  
目也心善斯語未見其人每對知己言年兄有  
清任和意思而世人就治行觀年兄者亦無異  
詞世人知年兄淺要之年兄飲人以和正弟所  
心服此伊川先生不及家兄處也非和能行其  
清與任耶向弟與二三同心論司理必首年兄

及李愚公今不知以計事交付若何人矣

甲子

十二月十四日

與文湛持。

度吳閩閩兄頗忙兄亦稍厭苦之弟因思天下之攬人令忙者大都皆天下之閑人今天下之最閑者宜無如弟亦過而攬兄宜兄之忙滋甚且自彰義門而南未嘗晤一客何以輒自通也已而悔之過吳閩不晤文起母乃太閑乎抱茲耿耿未繇自杼抵家小堂未有顏額而景逸先

生以書相存云門下得閑身定有千秋之業夫  
千秋不可知若閑則固已得閑矣顏其堂爲得  
閑然不可非文起書書須大于斗此是弟閑中  
一事亦是兄忙中一事也如何如何

甲子十二  
月十六日

### 與周蓼洲

初勸王者起年兄而王者急華亭華亭隙于蒲  
田王者亦決計以年兄繼矣而近事爾爾誠所  
謂事變不可知也然亦未始不可知矣近靜觀  
更覺何如弟益覺得宦海沉人若不能拋得美

官做美官定不光明卽能聰明智巧爲強辭以  
自護于君子友二大倫抱慙內疚者已多也如  
何如何匪石二緘二扇附上

甲子十二月十六日

與陳益吾

往從諸君子鼓吹休聲託于同臭南中清議倚  
爲金湯尋仲歿述文讒臺下復以艱歸卽天心  
已冷落矣弟得放爲適顧黃臺摘瓜幾于抱蔓  
不虞殄瘁耶潘茂先稱道清節至不能喪嚮送  
尤怒逐臣之迹不當更誨妒于人間謹以辦香



東帛通其區區知不讓其未同也

甲子十二月十六日

### 與瞿起田

託在臭味幾幾乎日一見之睽阻者九載于茲  
而腸中轉如轆轤也風塵碌碌風期邈邈惆悵  
如何邈荷 思謹閱身如鷗思一理自陰之權  
而杜門掃軌之餘慮有伐木削迹者踵其後爲  
知己累迺孝子之淚宿艸爲枯屬在同人尚闕  
然于瓣香東帛之將謂臭味何矣歲行盡矣江  
干一介聊以旌心罪不能躬轉如饑怒儻謂是

不祥之姓名不可以薦而吐之則非弟所敢圖

于仁兄也

甲子十二月十六日

與魏瓠園

弟稔南儀曹饑而仲達謂饑况與兄雅相暱遂  
勉而相和迺弟意徐圖以學使者重兄令後學  
知奇奇正正之真以酬兄之趣俛欲借兄于北  
練兄于是是非非邪邪正正之場以起兄之義  
以貞國之幹而今咸以俟後之君子矣弟歸殊  
適時抱微痾更適獨負臆矮簷下念仲達霜風

皚皚騎馬長安道上滋用惻惻耳聞凡且鼓魏  
唐之棹能不以興盡中止乎望之望之茅簷喜  
春風一度也

甲子十二月十六日

答丁長孺

再假不肖數時拙將逾露怨將逾露非將逾重  
得蚤見放真不啻鳥之投林魚之縱壑也顧以  
此開善類之殺運連及魁人如殄瘁何矣世之  
忌翁臺也不減于不肖翁臺之才力百倍之過  
有至河而反之轍耶瀾于何砥翁臺卽不出臨

然係海內之望無以西河之勳吾道之厄過自  
傷悼春風放暖圖以扁舟叩函丈一聲生平兼  
爲先人乞雄篇不朽也

甲子十二月十八日

### 答唐宜之

穎故僻小而迺有腴聲近一待選者欲得之爲  
銓部所意輕讀民隱知穎之所以爲穎也今穎  
者先後得宜之數輩穎何患不腴矣穎得宜之  
宜之亦幸得穎稍展其生平弟設身處此澤穎  
之心當不後于宜之顧何以上下左右能一一

如其願則弟所不能不浹服宜之者也餽遺之  
禁世作故昏視之夫餽遺不清則賢否不清賢  
否不清則黜陟不清黜陟不清永永無澄清官以  
救百姓故借霍丘以儆百耳閱霍丘履歷當其  
爲廣文時輒卽得調以爲此鑽刺之尤不謂宜  
之現宰官身說法爾爾也出都匆匆未及作答  
恐今翻可以舉卓異矣弟蒙譴而南滿身輕快  
得杜門稍理故業 王恩甚浹往者吾職吾業  
之中一毫不敢徇今者一丘一壑之外一毫不

敢與矣何如何如尊教聲聲思淡哉言乎弟氣  
麤力薄守無爲之訓可矣程伯子曰教人致却  
太平某願爲太平之民弟服膺斯言不敢他有  
淡交也當今之世政亦不患其盡爲比干患學  
爲箕子者多真箕子而後可以奴苟非其人恐  
其徒奴耳奴耳要之人心不死天心不晦古古  
今今理數如券獨弟罪不可赦耳諸善類豈應  
殄瘁至此也汪生聞在真州真州非隱地幸與  
孩未凡商之勸渠真窮真隱爲佳世人耽耽

欲以之爲筭再起大獄連諸冥鴻也切切汪徐  
州不能爾然無洋而保障江淮其功不小弟力  
爲斯言但近日叙功者恒僞言貪者率真當事  
遂不無矯枉之意迺趙之勢戾亦大不滿于輿  
論者也更波及徐司李耶尊貺宜不當辭顧弟  
在宦中無以周宜之宜之在宦中便以周弟弟  
不滋媿歟謹拜佩劔之賜如掛我墓櫬也一簡  
爲致荻未不盡

甲子十二月廿一日

寄方荻未







六十斤而人因迹之不休乃汪又好自耀誇以  
禍爲樂則余何幸兄偕浮丘計之入山不可不  
溪入林不可不密真州非隱地形迹宜淡自韜  
秘也如何如何到切到切

甲子十二月廿一日

答胡

名應騶

旅中遇暴客可念僕慙拙多尤僅蒙薄譴王

恩淡矣歸幸無事但責母錢者多剝琢聲耳了

此便無他念也遠辱相訊感戢感戢

甲子十二月廿二日

答姚谷神

麋鹿之性本不便于冠裳縱之長林豐艸間真  
得其所顧皞皞于高天厚地之下而然臥月餘  
偶以膏肓之間爲寒豎所中未卽樞謁不幾以  
爲此不知天之高而地之厚者乎罪宜莫可赦  
原猥荷隆施逾濶踈踏其誼比之君之于氓又  
不敢辭也人間臧否如其炎涼所恃台望隆崇  
必不遂以弟口相累匪久在日月之際長林豐  
艸間其所仰庇天且逾高地且逾厚矣貴門生  
昆季弟通家兄弟也長安中時時以書相聞爲

稱台臺晤間銜戢高義亦不減于弟之所以德  
台臺也 甲子十二月廿七日

答高明叔

門下所輯著比于訂頑戾愚矣重違雅意勉弁  
數行而賤姓名動而見尤似與藏拙爲善斯亦  
遭讒覲閔者儉德之一端也華堂障子得雲將  
椽筆甚休聞亦以賤姓名玷其後門下有滿灘  
歟大不如天台圖之安且吉也是在門下一還  
掌間耳聞多奇石可以供人亦有玲瓏峭聳者

可假以數卷之多乎高不敢望十尺而上廣不  
敢望五尺而上也儻有不佞雖顛亦無所意必  
一暨小却圖鼓鴛湖之棹然未可期也

乙丑正月

答劉再龍

浙藩

每于藩臬中論巡撫材則不肖向當事者稱台  
臺數數也而微有以居鄉事肆其蠶尾者久之  
始得常調夫其以巡撫重台臺也則吾浙何敢  
私若猶是常調也奈何奪吾浙一賢公祖而茲  
舉出于楚人有所爲憂憂乎其難之其至于抄

叅也則固有太不得已者于其間也不肖推轂  
滿天下而人不知不肖原不求知獨營營而不  
得者恨不肖入骨茲舉未稱不肖本懷倉卒數  
言亦不盡台臺百一而蓬玄呼西兩張公嘖嘖  
以爲知人知言也則不肖乃徼寵多矣蒙譴出  
都賚捧諸公未及相接隆貺下頒所謂君之于  
氓不敢辭也顧何以克當矣未能樞謁先此佈

謝未悉種種

乙丑正月初五日

與卞伏生

先人實紀偶畫圖刷釘奉覽其中作者大都目前所甚刺眼者也前所教感厚意刻骨再四圖迴先人一生閭脩設表襮之至於俎豆前賢之側恐傷先人之心先賢之事其親聞有抱主而歸者不肖終以閭道事先人或亦未爲失也

又

此是世間常態絲毫不足動念若干毀譽得喪生死稍稍疑怫到是非邪正處定做不得十分透徹吾輩只看清道理凶禍臨頭含笑入地耳

乙丑正月初九日

答陳似木

家傳領到策蹇出都所攜惟衣衾耳圖書數卷  
尚滯京邸也有後僕而出者發 欽降牌乘傳

而出轉自笑其歷歷矣奏艸制義圖刷印請教

此豈足觀也 乙丑正月初九日

與呂命予

往于行卷中讀高文慶豐艸在十步之內也一  
試得之一試失之作者之志不在得失間知作



者之志者在得失間耶首春垂顧有失倒屣逐  
臣之分乾而不出如蘭未獲叩謁先此佈其區

區 乙丑正月初十日

答王葱嶽

浙江撫院

客秋九日以前所拜翰教俱願使數行報謝逾  
月卽蒙譴出都矣買蹇及濟買舟抵家不敢以  
一餐一力煩郵人聞如也本有杜門掃軌之癖  
而于放逐之日尤宜雖以郡公祖之邇未能脩  
謁顧頽頽一隙時迴環于左右有義氣屬下而痛

養連者存也仰承嘉問兼拜豐施其何以當三  
復大教淡有概于武廟之季夫武廟之季爲瑾  
者國瑾自爲之今之瑾不能自爲瑾而人教爲  
之前日之怵于瑾者斲土氣今日之教爲瑾者  
無人心前日之怵于瑾者怵其憑社憑城而無  
可奈何怵專在內今日之教爲瑾者爲豺爲狼  
兼又爲狐爲鼠而人無可奈何禍根乃不專在  
內山澤之人惟屏息淡居以聽理數之自定而  
已矣輦上君子何以施補天之手耶今日之補

天難今日之立四極猶易內外之分也不肖幸  
猶在鰲極之一隅得爲太平之氓矣顧賤姓名  
在人齒頰間射者且以爲的此中邸報最少又  
最遲門無過客卽過者亦弗與通有所聞足以  
爲山溪林密之助者乎幸時教之懸懸

乙丑正月  
月初十

### 與夏仲可

逐客以埽軌爲道以待雁門太守亦未始不相  
宜也節信在門自當驚遽屣履而門者例謝大  
都天下之具眼者皆門者而已矣顧何以成其

爲主人耶時甫謝客未能卽日登龍請教先此

申其區區 乙丑正月十三

與戴汝可

稚圭未嘗以膽許人而疊山以放膽立則文信  
不可以無膽乎三閱鴻撰叱靈噴電海立山奔  
不獨具膽材復副之更具眼無弗善矣柳足下  
高才陸離斐疊雖俳偶行之不患掩抑其精光  
間有奇軼處以謂稍墮近日文人習氣耳談刻  
鵠之學于嘯虎之前當啞其弗類試質之君家

原邇何如何如 乙丑正月十九日

與史仲昭

春容乎大章行中采齊趨中肆夏矣金和玉節  
按之知爲君子人也日進無疆詰益沉摯益緊  
采益鮮棖弗售矣僕荒疎已甚恐弗當也 乙丑

正月十九日

答茅孝若

老兄爲世界着痛着癢如此雖以弟之不肖而  
過蒙愛慮爾爾感戴何如今日無防之之道第

有聽之之道尤爲莫爲澈弟不爲濬乎弟無人  
不與披衷相誓況于吾兄但弟有能有不能耳  
此中寡僻已甚有聞望教之 乙丑正月廿一日

寄楊大洪

天之傾無如之何矣風林無寧翼一丘一壑遂  
可以息弋人之慕耶孝若當世奇男子千里一  
介敬附起居爾時懷抱無可言者然無不可知  
也計此時可周旋烈焰中不至已甚者宜莫如  
張蓬翁蓬翁今日之乖崖也忽圖之炎洲芸閣

二兄何如何如何若吾輩自處之道豈徒有修身以俟之而已千古相要疇血爲碧

乙丑正月十一日

與計明葵

弟窘甚所負母錢無以償非棄去不可偶有田十畝于台府相近今歲得收如常時尊駕行矣不及此煩與公郎商之第願少濟然眉不失原

價足矣

乙丑正月廿二日

寄徐虞求

都下備法教愛蒙譴而南復荷歌驪之雅於今

終不忘弟罪戾不貲以爲射的得仗庇一上  
一  
察聞否同邑諸兄弟釀金爲會館資向以煇三  
鎗者計明翁至幸出其籍共觀之諸不一一  
乙  
丑正月廿二日

寄潘茂先

逐臣去國邏卒載途而襍被相隨慰藉備摯復  
念其垂橐不能及家馳介委金如委于壑此際  
此情真淡于桃花潭水矣近者復以休寧爲阱  
應未忘情于吾黨而以遠者相惡相訐善人宜



無唯類矣但此中甚僻鴉聲鵲聲南中當先得  
之得于吳舍親所先一傳示幸幸往者辱有意  
于小疏此焚婢時也乞已之張蓬老消息何如  
此時獨此公似可爲諸君子地耳晤我旋丈希  
爲不肖致惓惓向所叨惠詢有定止卽圖走壁

先此申謝

乙丑二月初七日

答程我旋

京邸過從僞蒙教愛一時摧拉枯朽何言但據  
時人之意豈不謂弟之罪浮于台口丈而弟尚從

未減何也程伯子以新法之行咎吾黨激成之  
乃台丈儀神發用之占數亦已前定矣台丈邇  
更曾發占乎伊于何底也 乙丑二月初七日

與丁慎所

滿擬清明節後鼓扁舟問道函丈信令子之戚  
併爲先人丐鴻筆爲傳而迅雷風烈不敢游處  
如常自謂與一世善善同其清迺趣於瘁之禍  
先人隱行具列諸名德篇中顧未得如椽以承  
世世人子之懷歟如也幸以暇日圖之無以其

予不才而泯其父風雷小定尚圖登堂九頓

丑二月十四日

寄唐宜之

多凶多懼之中荷遠念更荷遠存感悚感悚弟  
既杜門謝客而即報遲遲復漫甚無所關切贖  
贖無一聞見尊處可得近中消息何如王中翰  
竟下于理高邑年尊氣伉而篤于情何能爲懷  
緹騎四出思闌冥鴻以興大獄漢宋前轍不幸  
蹈之諸賢亦何辭顧如祖宗之德澤何國家之

元氣何矣爾時張蓬老入寶山心腸作用如何  
亦相聞否古人之得人心所欲與之聚之則必  
人與之以官且皆美官不卽人與之以利且皆  
厚利而後可客望類如歸不得志輒流說者匝  
月古人當此際何如耶孩未意氣近何似鴻便  
起居一無所寄爲愧

乙丑二月十七日

與繆西谿

策蹇出都固曉其不自不肖而止顧首風妬雨  
遂令金谷名花瓣瓣委泥潭亦非所圖也且累

月經時迄無寧息元氣幾何堪此斲削以不肖  
自視視翁兄翁兄未爲不得其所然澆心者復  
愁遺何人矣狃狃之口亦遂令不肖長此得所  
乎每念仲達令人愧悸出無與語默無以容將  
焉置之向微璽書頗亟緣今思之亦何其太不  
識時也緣言若已賦去圖走急足止之何如何  
如 乙丑二月廿二日

與金雙南

兩辱惠書備感存注亦因以知仁兄幽憂萬斛

也世以弟爲罪弟罪應不止此眈眈弋人遂無  
慕耶禰奪之詔日聞弟乃思微靈以博靈書亦  
爲大不知時矣若代言者業以其稿見賦同敷  
軸執照留仁兄篋中可乎惟仁兄裁教之 乙丑

二月廿二日

上高老師

中諦思之一時共事諸賢原不過舉其職所得  
爲而未始植根于宥密之地縱萬紫千紅辟之  
剪綵能經風雨耶斯相臣之失也人臣旣以府

怨被詬自應卷而懷之以謝讒口而需不能割  
牽人共止以底于自賊又人人必經其位置事  
事欲聽其處分否卽素愛素敬之友不難自發  
難端安得謂吾黨盡無過也但君子之氣日薄  
一日小人之毒日甚一日禍之所終不于君子  
興念及此股栗心寒夫君子亦惟有修身以俟  
之而已矣向屬西谿豁代言今非邀榮爾書之時  
走力以訊附候興居不盡

乙丑二月廿二日

與孫若英

先人實紀一冊巧椽筆爲頌諸體中不可無頌  
一篇諸大人先生中亦惡可無尊姓名於其間  
也 乙丑三月

答文文起

郎君茂齡何以嬰疾久之知近平復爲慰小堂  
得椽顏殊快閨人知尚入世人忙思慮中所未  
安者恐臨頭勉持結纓易簪之意而未或泰然  
朝聞是亟愧未能耳其它總以閔應之矣勗弟  
坡公之言感刻感刻弟歸杜門却掃舊緣務畢



新緣不生目下爲次脉了姻事徐理殘編人怒  
未歇我罪實淺得一日閱得半日閱總不敢問  
此中朝報斷爛有聞冀密教之織璫之中吾丈  
有所受之乎自起而相難乎風林固無寧翼原  
不敢期冥冥之飛遂足息弋人之慕也新萌見

餉謝謝

乙丑三月十九日

與卜子厚

弟以楊李之獄幾成聚訟若能老則弟斷斷久  
之去歲朝審堅不盡題因有刑垣公疏而繼

弟於中織弟以賊織賊以楊熊可以無愧知已  
矣不盡 乙丑三月

與顏長康

來歲復敢相煩以長康可與同患難也諸所不  
盡恃可宥原洙見得擢其游思于書義中漸入  
理趣則自烏可已耳試與一作破承之類令渠  
有程途何如濂竟併煩教思宗師歲考勗以勤  
業不得于患難中出醜也百事謙默以不出與  
為長處患難之道當如是 乙丑五月

付洙兒

只是讀書竝無別事讀書纔明義理義理明然後可以處患難義理明然後可以處饑凍義理明然後可以事父兄師友義理明纔文理通文理通然後可以訓書餬口不要悠悠過日也汝不幸未成立便處患難當早以減人自待莫闕戲過日存心只是仁厚帶一毫尖巧刻薄不得帶一毫尖巧刻薄便是無福人我平日無他罪過只是口頭說話待小人不忠厚無益于世道

二又集月  
惹人傷心之怨耳汝當以我爲戒

乙丑五月初十日書

答吳遠菴

中孚之上翰音登於天貞凶小過之二弗過防  
之從或戕之凶正今日之謂矣夫復何言所幸  
者平日得師友書策之力視龍猶蠃蜓耳獨恐  
結縷易簣之秋倘有作而致之之意死而不恬  
無以對知己則大教所勗乘此用功者不敢不  
自勉也高先生別後致書謂不肖神情曠逸氣  
色開明昨道中遇一舊相識謂較前略迺肥茂

或亦異於俗人乎生死未期總在於秋矣 乙丑

五月十五日

藏密齋集卷之二十三 終

藏密齋集啓目

答某同年

答某同年

答王衷宇

答詹自明

答項鄧林

答毛孺初

答余健吾

答趙太室

入啓

日

答趙明宇

答畢白陽

答王任吾

答謝可文

答胡星海

答李介石

答高歷齋

答解調垣

答王某

答貢二山

答顧珠巖

答趙明宇

答劉伊人

與陳發交

與陳鳴遷兄弟

已上蘇集之卷二十四



藏密齋集卷之二十四

嘉善魏大中孔時著

啓

答某同年

某府節推

嚶嚶出谷每勤求友之聲  
蹇蹇登朝況在同人之譜  
時方多事國合有人恭惟  
年丈法象惠文儀麟振武  
明作兩臺之日平操三尺  
之衡爲狐狸爲雀鼠罔縱  
宵昏若鸞鳳若鷹鸇盡歸  
月日第人惟求妥卽品不  
能真定須大曠聰明

一破格例必此時刻厲牧民爲事斯異日公忠  
報主之在臣次則覓雖躍冶以致折肱尚或鑄  
節盤根可需二臂此在洪爐之點雪總由明鑑  
之懸冰獨二種周容謹厚之夫斷無益治亂安  
危之數徒循武而拾級甚古風以使旣廢敗所  
繇因循坐此久覺轉喉之觸諱其如捫舌之問  
人不勝虞國步之頻幾幾類執塗人而告知兄  
具眼庶弟同心不揣狂愚附中占謝臨啓麓率  
不知所云 戊午

答某同年

某縣尹

不肖弟與後分桐得弛行李屬居園之交訂存  
口眼以難開每一念至有不終日之憂如魚遊  
釜俯六尺軀在可奈何之地隨燕怡堂惟良牧  
之寸丹此調元之上劑恭惟年丈獨皎心靈續  
編治譜向周旋于芝宇臭比蘭芬每夢想于花  
封琴清棠蔭正茂宰報政而最吏治屬公家履  
畝以佐軍興用若泥沙俟我錙銖之取封如樸  
滿令人竭澤以漁求不病民無如瘠已總一邑

之賦入必可通融就百項而迴環制其緩急要  
使我常裕於應而不令小百姓囂然喪其樂生  
之心要使下不苦于供而常存 聖天子惻然  
不忍剝民之意且福星之在一路其嘉祉不但  
四封錯壤受屢咸望救焚之雨比肩共事盡爲  
隨石之鉞儼印累累綬若若舉不思問舍以求  
田卽車鞿鞿馬蕭蕭必未至醫瘡而剜肉此自  
大賢之能事本乎仁者之用心何待弟言始圖  
國卹然自以一介冷官而辱存之掌記知不

以一腔熱血而漫置之罔聞遂于占謝之間姑  
一妄言以復自知蕪蔓統冀炤涵 戊午

答王衷宇

寧撫

睽茲銀夏號古朔方重此簡書畀今南仲蓋奴  
氛未靖蘭焰方張外寇恨延安之劔而啓疆內  
議割賀蘭之險以予虜脊脊多事兢兢可虞正  
一時西北用人之秋聿九重夢卜求賢之會恭  
惟台臺表裏入天經緯文武中樞在事者久分  
陝而藩有年得虜情邊情之深習地勢兵勢之

要輕車熟路分闡建牙外護風寒內瞻日近僕  
夫況瘁不忘悄悄之憂獵狃于襄竹績赫赫之  
蹟百責方萃一札枉存竊比甚喜于同朝敢冒  
不恭于尊者匆匆報謝耿耿未伸所有鄙私統

祈崇鑒

辛酉

答詹自明 恤刑

恭惟年臺司法之平慨道之失以得情而愈惻  
欲開罪而無絲從千羅萬織之中覓出死入生  
之路但求寬一面之網豈爲高異日之門而民

已不寃自天將未艾迂愚如弟戇拙違時思殞  
封豕而斬長蛇遂防檻虎而收桀兇言脫于口  
矢擗于胷百足不僵三尺如蕤公如訊此法當  
謂何思與晤言布之報謝

辛酉六月

答項鄧林

舊昌平道

直道而行難免于今之世信心而往庶幾乎古  
之人自反無他人言奚卹恭惟年臺學本遺經  
爲周當世拮据邊郵者數歲處分兵餉者多方  
加派不以累民撤調因而迂世勞之未錄諒且

猝與與之當其議論之已久明當事謂套格之應  
暫擯去天尺五可無憂

四月

以之蒙擊水三千況

夙負風雲之氣時且置人之如奕學難合表而  
從權摩厲以須咄嗟可待匆匆以報耿耿可知

不盡鄙私統祈台照

辛酉七月

答毛孺初

南直學院

使署及瓜工垣采菲非意所及乃忌之招祗緣  
舖糟而獨醒遂如聚鐵而成錯高山仰止空谷  
跼然恭惟台臺執道之衡司文之紀文章之巨



麗存是風氣亦囂兢可虞如川之流知風之自  
苟不復王顧歸翟之爾雅何由返蘇松常鎮於  
淳龐與其列桃李之華孰如盟松柏之節固知  
甄別卽寓陶鈞不謂循行數墨之間聿脩問起  
存居之訊損書及貺維桑與梓察孤蹤于獨來  
嚮往之中觀世情于呼馬呼牛之外情有于寄  
口不能宣所有微忱總祈台照

辛酉八月

答余德吾

冀北道

舊塵使署秣後桐封獲接英游周旋榆塞數日

之雅三載於茲恭惟台臺才備全能識軍衆妙  
察廉部橫槩令軍士飽馬騰民安物阜以走  
馬跳兵之地而輕裘緩帶其間建麾開府而益  
重其人熟路輕車必無出其右不忘交臂猥辱  
長翰不以粉榆之私恠其抨彈之及盡得曠懷  
若此亦何時局可言教與愛俱感隨言切匆匆

云謝耿耿未申

辛酉十一月

答趙太室

憲副舊嘉湖分巡

詔下紫泥特借隼旗而北歌以殘白苧莫迴鶴首

之西正關心相躒之牽忽長跪雙魚之辱恭惟  
台臺道與天契清畏人知以撫循百里之根柢  
緩氓以進退百官之緒餘造士士與械樸氓樂  
桑麻至人事之不齊聽物情之自取方珪圓璧  
澗渭清涇皆滿志肯祭之間而中禮周旋之頃  
所以去如矢乳來有餘思也某皮骨空存拙踈  
慣習未嘗至于偃室間得御夫李君鄙吝復生  
光儀入想翰兼覘及感與作并附報一縑縈懷

萬縷 辛酉十一月

三  
答趙明宇 涼撫

竊崇山以東之幅員實繫京以南之保障千八  
百諸侯視如砥矢數萬億漕糈繇以輓輸譬是病  
彫醫斯其血脈若人食啖茲在咽喉更登萊責  
在焦頭緣鮮遼望之援手納遺逸爲蟻國作氣  
勢於鯨波三方舉不定之碁兩撫共難謂之悉  
若禦暴者爲暴幾養人以害人獨念遼民亦吾  
民保甲可什伍可何聚散之兩難更思淮援正  
吾援渡海否駐麗否奚去住之交誼二空四盡

百孔千瘡不堪曹鄴之間復有潢池之警事絲  
冥惑定在斯須尙難虎負而可櫻潰則豕突而  
難制攻城剽邑民亦何辜破閘梗漕害將滋大  
恥此匹郊之多壘幸有萬里之長城恭惟台臺  
表裏人天經緯文武功書赫赫 天子日都來  
佐予治口碑嘖嘖東人日否無以公歸仍開府  
而建牙駕輕車於熟路器試之錯節盤根乃利  
事奏以震風凌雨之艱王伯安隻手平寧不聞  
有料兵料餉之窘張肖甫單車入澗移時而民

變兵變于夷侯八公而三維勛則百何以襄竒功  
于海外不作游魂何以撤異志於島中不虞掣  
肘何以輯野率之兇侶不致狂奔何以安土着  
之鷄棲不愁偏處何以收募兵爲用不委前館  
于泥沙何以更放班之名尚冀後功于竹帛何  
以誅首惡得如蜀右江右之平何以散脅從不  
爲劉六劉七之續何以護漕而舳艫相望何以  
防閘而邪許如常統在指顧之中行見咄嗟而  
定瑤笈雲委圖伸賀秩之私赤羽騰傳隨切勒

功之祝有懷耿耿難竟區區

壬戌五月廿七日

答畢白陽

督餉

屬者師摧四路局設三方賤戰不見其貴謀異  
意總歸於同敗獨繁津帥費綢繆於陰雨之中  
增募遼師盡操練以水陸之法忠臣誠不愛其  
力。聖主亦卽鑒其勞顧念螽斯蟣虱之生未  
登衽席仍屈珂珮夔龍之侶少涉泥塗爾官未  
盡爾能足兵繼之足食乃將婪兵悍總作我之  
偷兒且盜起民窮抑仗誰爲巧婦關頭羣策之

集共以一糴爲命餉軍餉虜之未已益以餉工  
海外孤臣之氣似乎三鼓而衰因兵因糧之已  
窮復將因我競議沃焦之待汲究將無肉以醫  
瘡長年利轉餉之贏下瀨輒悲魚腹何日定屯  
田之畫登壇而見虎頭不戰以屈人兵長驅而  
復我宇歸餉臣而聽履佐 聖主于垂裳忝與  
榮施倍爲邛切 壬戌六月十八日

答王任吾 宣撫

頃者天稔殺機地淪夷穴 祖宗培養者數十



百載班行踰列者數十百人求一忠武以當關  
無不逡巡而却步至淚灑橫腰之玉且怒拋繫  
肘之金未得策于關東先失人于京後睠茲上  
谷作我北門瞻日近于舉頭防風先于護背猜  
猜鬪穴未應引鷓蚌而偷旦夕之安眈眈啓疆  
何以牧犬羊而聽鞭箠之使虜情百出投奴投  
吉左右足其誰先邊事多岐畫方畫圓左右手  
之難協本以虛伍而屢經調發伍愈單虛從來  
乏餉而更肆扣除餉尤匱乏之不得已而去二者

如之何其保萬年多故之秋乏才之日共思鎖  
鑰之寄此地不輕急徵鍾簴之靈得人左遷恭  
惟台臺表裏人天經緯文武知地勢兵勢之要  
得虜情邊情者深實圖護塞之人遑卹倚間有  
母從此市平貢至不虞饑誦兵騎幸北顧憑萬  
里之城可一意乎四郊之壘沐申燕賀先辱  
求報謝匆匆蓄懷耿耿

壬戌六月十八日

答謝可文

上饒尹

往從使署嘗道信州閩浙之交舟車所騫俗習

儉而可教民積德而難蔽所賴天與以豐年更  
望官爲之元氣恭惟臺下洞天毓質福地分符  
身隨寓而皆仙骨無因而入俗善刀以批大隙  
澆釜而烹小鮮采謠無長楚之風頌德膏黍苗  
之雨蔚爲民譽榮及鄉評分來鴻漸之荼念此  
伯夷之樹曷由報稱少罄願私庶幾夙夜以永  
終譽

壬戌九月初六日

答胡星海

木部

居幸托比閭而近誥屬年家官雖隔千里而遙

誼猶同舍懷人兩地在水一方恭惟台臺德備  
四時績成九載轉官幾於轉石積勩近於積薪  
論漕於數歲而慶其得人固天久大智以行所  
無事兼葭極目桑梓興思念及睽違重之翰旒  
筠心如睹遙憐似水之澄李報未伸聊致借花  
之供諸難縷悉統冀燎原

壬戌九月十三日

答李介石

寧撫

瞻今靈夏隸古朔方渠引漢唐之饒南東其畝  
天設河山之險百二稱雄維鎮巖巖厥田上上

固原處奧倚爲護齒之脣平虜臨邊高警建瓴  
之屋左憑環慶扼吭在花馬以東右攬甘涼望  
瞭極賀蘭而後從來勝美增池後之重垣聿有  
敗謀假山前爲通道求無杭雄趙瑛尚文之戰  
而三北須繼邃菴晉溪漁石以制此一方況套  
虜偏而生心延安岌岌如累卵風雨飄忽所及咄  
嗟震蕩可虞南仲其誰李牧固在恭惟台臺表  
裏人天經緯文武習地勢兵勢之要得虜情邊  
情者深甫樹東土之屏亟賦北門之鑰先猷具

在故府可尋鹽池鐵柱諸處聯墩聯堡誰復逐  
水以爲居赤木黃岐之間傳燧傳烽誰議割山  
而予虜行紀伐于司馬日能惟子大夫辱下交  
于後生不棄其愚不肖祝燕喜兮多祉還袞爲  
期膾鯁饌者侯誰執鞭所願

壬戌九月廿四日

### 答高徑齋

微觀列署頗類觸藩瓢必衆力以輿羊盡九人  
而牧誰執其咎圖觀厥成環思徹土之謀獨賴  
巡方之使蓋民惟邦本而令屬民天設印纒纒

綬若若舉不思問舍以求田卽車犍犍馬蕭蕭  
亦何至醫瘡而剜肉自柱下駮青驄而問俗致  
關西解墨綬者望風似乎帶雨頰之風霜實以  
灑一天之雨露揚清激濁養稗安萌故就裏緣  
邊是處窺闕而號澤而臨涇仰華漠焉山高而  
水清政企入告之猷忽拜俯存之訊教誨所及  
意氣可傾別有敷陳伏祈炤亮

壬戌九月廿七日

答解調垣

兩榜聯交論世不忘其祖同年隔面逾紀而拜

晉兄愧碌碌以隨人喜欣欣而出牧恭惟老年  
文臺下績學者深識時之要謂剪棘無先弭盜  
一而徹桑所以固圉築城峻防封州厲禁其諸利  
弊徐俟興除圖永蹟於百年業改觀於數月而  
周瘠難起黔梗未夷事悉經心家尤入夢迺分  
光鄰壁爲矜屋上之烏且側聽藩封遠偵仗前  
之馬遣一介之使數百里而遙應無紫氣之足  
占良謂素心之可托匆匆以復縷縷未伸不盡

微忱統祈崇鑒

壬戌十二月初二日



答王棊 宜陽尹

道並行而不悖知人愛人交出門而有功因友  
得友欣逢此地作合自天恭惟台臺學古人官  
推心置腹緣吳生之作簿堂屬一家喜郭倩之  
爲郎後先同舍因而介紹荷與周旋挑燈而坐  
者三更頌公恩之難報搢袂而期者異日借予  
目以相屬荷齒牙之有靈何肺肝之不剖短衣  
疋馬方出河陽長跪雙魚如占函谷儀多成享  
聿披款款之誠罪冒不恭望亮矜矜之素匪云

自外業已藏中

壬戌十二月初八日

答貢二山

東陽尹

登朝蹇蹇厓同心以論心出谷嚶嚶喜因友而  
得友聲名籍甚書問儼然恭惟老父母臺下敏  
手決科洗心從政屬征調之百出爲桔据者萬  
方牛刀割鷄蟻封試馬材非百里成且三二年猥  
從製錦之閒特遣渡江之使聯爲臭味告以腹  
心爾其長跪而剖鱗正值短衣而叱馭落霞秋  
木遙傳千里之神皓月澄空恍對三人之面片

言托契終古爲期 癸亥八月十六日

答顧珠巖 平湖尹

藜藜發鼓幾同載雪之舟款款傳絨恍聽踏歌  
於岸食鱸興愧剖鯉知心恭惟老父母台臺蘭  
茁其芽乃發於礪先儲思於磅礪復滿志以躋  
躋以故游事事肯繁之間出人人意慮之表千  
霄之氣掣電爲光誰云百里其非材誠然朞月  
而已可某勢如隕箠愚乃移山氓比借屣事當  
湖之若母天能合契賀清澗以爲師未聲鄙崇

統祈台昭

癸亥八月廿四日

答趙明宇

東撫

蹇蹇王臣業上星辰之步駢駢下走聿勤屏履  
之供賜出所尊辭而弗敢恭惟台臺河華降旗  
文武爲憲久瞻福曜俄遘妖氛橫行則心腹之  
殃盤據亦咽喉之梗急容草薶緩且蔓延不寧  
厥居用興我武啓戎鎮兗飛羽徵兵指檇貔虎  
之羣高築鯨鯢之觀功成弗處日盜亦吾民  
帝簡在心嗟兵誰予任睠茲司馬之寄端賴召

虎其人惟時思鞏二祖之金甌俟公而奏兩借  
之十羽佇侯瓜代適竣桐封豈足注存猥蒙翰  
既附使者謝雙鯉魚之下逮未能拾級而登借  
國人迂大司馬之入朝容順下風而請

癸亥九月

### 答劉伊人

惟賢是求何勞可謝筐篚賁止毛骨竦然誠勿  
棄其至愚願時匡其不逮斯稱知己謬託同人  
寬其不恭永以爲好

甲子九月十六日

### 與陳發交

仲男濂舞象而長委禽有時兒之佳婦兄爲猶  
子見其子而念其父事其弟者如其兄慙非可  
慶之居特迓相攸之武旣昏而後厥明爲期雖  
無嘉穀深佇良覲惠然光賁見兒女之恩勤慰  
我歸來悅親戚之情話

乙丑四月初八日

與陳鳴遷兄弟

天地造端慶已諧百年兒女婚姻之願草木臭  
味交原在兩家父子兄弟之間情好斯聯道誼  
逾篤敬詹十有三日分鴻光之案從羊求以游

大名其蕃敢謂復始兆盈門之爛二方畢屈庶  
幾德星動太史之占

乙丑四月初八日

藏密齋集卷之二十四 終

不啓

昔年卷二十四の巻之後為別載之巻  
表流初載三三三及有  
文其為篇 為廿五巻 合卷目凡 六十五紙 若刻此卷可六六  
少